



შპს თბილისის დავით აღმაშენებლის სასწავლო უნივერსიტეტი

სტუდენტური თვითმმართველობის

დებულება

1.ზოგადი დებულებები

- 1.1 შპს თბილისის დავით აღმაშენებლის სასწავლო უნივერსიტეტის სტუდენტური თვითმმართველობა არის სტუდენტთა ნებაყოფლობითი გაერთიანება, რომელიც იქმნება ერთი მხრივ, სტუდენტებისა, ხოლო მეორეს მხრივ, სასწავლო უნივერსიტეტის პერსონალის ინტერესების ჰარმონიზაციისა და სწავლების ხარისხის ამაღლების უზრუნველსაყოფად;
- 1.2 სტუდენტური თვითმმართველობის წევრები აირჩევიან საყოველთაო, თანასწორი, პირდაპირი არჩევნების საფუძველზე, ფარული კენჭისყრით;
- 1.3 თვითმმართველობის არჩევნები ჩატარებულად ჩაითვლება თუ მასში მონაწილეობას მიიღებს სასწავლო უნივერსიტეტში არსებულ სტუდენტთა 2/3;
- 1.4 სტუდენტური თვითმმართველობა შეიმუშავებს დებულებას;
- 1.5 სტუდენტური თვითმმართველობა არ წარმოადგენს იურიდიულ პირს;
- 1.6 სტუდენტური თვითმმართველობა თავის ფუნქციებს აწარმოებს საქართველოს კანონმდებლობის, სასწავლო უნივერსიტეტის შინაგანაწესის, წინამდებარე დებულებისა და სხვა შიდასაუნივერსიტეტო აქტების საფუძველზე;
- 1.7 სტუდენტური თვითმმართველობა თავის საქმიანობაში არის დამოუკიდებელი;
- 1.8 თდასუ უზრუნველყოფს სტუდენტური თვითმმართველობის უფლებებისა და კანონიერი ინტერესების დაცვას;
- 1.9 სტუდენტური თვითმმართველობას აფუძნებს სულ ცოტა, ათი სტუდენტი.
- 1.10 სტუდენტური თვითმმართველობას ხელმძღვანელობს პრეზიდენტი;

2. სტუდენტური თვითმმართველობის მიზნები და ამოცანები

2.1 სტუდენტური თვითმმართველობის საქმიანობის მიზნებია:

- სტუდენტთა პროფესიული მომზადების დონისა და შემოქმედებითი აქტიურობის განვითარება;
- სტუდენტური ცხოვრების გაამრავალფეროვნება;
- თდასუ-ს ყოველდღიურ საქმიანობაში სტუდენტთა მონაწილეობა;
- სტუდენტთა კანონიერი უფლებების დაცვა;
- სტუდენტების თვითრეალიზებისა და დამოუკიდებელი აზროვნების ჩამოყალიბების ხელშეწყობა;
- თდასუ-ს მმართველობის ორგანოებისათვის წინადადებებისა და რეკომენდაციების მომზადება სასწავლო პროცესის ორგანიზაციისა და ხარისხის სრულყოფის მიმართულებით;
- ევროპულ საგანმანათლებლო სივრცეში უნივერსიტეტის ინტეგრაციისა და ამ პროცესში სტუდენტთა მონაწილეობის მაქსიმალური უზრუნველყოფა;

2.2 სტუდენტური თვითმმართველობა უფლებამოსილია:

- მოაწყოს შეხვედრები, ტრენინგები, ინტელექტუალური თამაშები, ლიტერატურული, სპორტული, კულტურული, გასართობი, სამეცნიერო ღონისძიებები;
- სტუდენტური თვითმმართველობა თანამშრომლობს საუნივერსიტეტო, სამთავრობო და არასამთავრობო ორგანიზაციებთან აგრეთვე გაერთიანებებთან, სახელმწიფო და საერთაშორისო ორგანიზაციებთან;
- სტუდენტთა თვითმმართველობას შეუძლია დაამყაროს კავშირი საქართველოს და უცხოეთის უმაღლესი სასწავლებლების სტუდენტურ ორგანიზაციებთან და საერთაშორისო სტუდენტურ გაერთიანებებთან;

2.3 სტუდენტური თვითმმართველობის მართვის ორგანოებია:

- საერთო კრება;
- დეპარტამენტები;
-

3. სტუდენტური თვითმმართველობის საერთო კრება

3.1. სტუდენტური თვითმმართველობის უმაღლესი ორგანოა საერთო კრება, რომლის

შემადგენლობაშიც შედის თდასუ-ს სტუდენტთა თვითმმართველობის ყველა წევრი;

- 3.2. საერთო კრება მოიწვევა წელიწადში ორჯერ მაინც. საჭიროების შემთხვევაში რიგგარეშე სხდომა მოიწვევა პრეზიდენტის ან თვითმმართველობის წევრთა 2/3 ინიციატივით. კრება გადანყვეტიუნარიანია, თუ მას ესწრება წევრთა ნახევარზე მეტი. კრებაზე გადანყვეტილების მისაღებად საჭიროა ხმების 50%+1.
- 3.3. საერთო კრების სხდომის მოწვევის შესახებ თვითმმართველობის წევრს ეცნობება 3 დღით ადრე ჩატარების თარიღისა და დღის წესრიგის მითითებით;
- 3.4. სტუდენტური თვითმმართველობის საერთო კრება:

- თავისი შემადგენლობიდან ირჩევს თვითმმართველობის პრეზიდენტს;
- შეიმუშავებს სტუდენტური თვითმმართველობის დებულების პროექტს და დასამტკიცებლად წარუდგენს რექტორს;
- შეაქვს დებულებაში ცვლილებები და დამატებები, რის შესახებაც აცნობებს თდასუ-ს ადმინისტრაციას;
- იღებს გადანყვეტილებას თვითმმართველობის წევრის სტატუსის შეწყვეტის ან ახალი წევრის მიღების შესახებ.

3. სტუდენტური თვითმმართველობის პრეზიდენტი

- 4.1. სტუდენტური თვითმმართველობის პრეზიდენტი აირჩევა საერთო კრების მიერ თავისი შემადგენლობიდან 2 წლის ვადით ფარული კენჭისყრით, საყოველთაო, თანასწორი, პირდაპირი არჩევნების საფუძველზე;
- 4.2. პრეზიდენტი:
 - იწვევს და თავმჯდომარეობს საერთო კრებას;
 - უწევს კოორდინაციას თვითმმართველობის ორგანოთა მუშაობას;
 - სტუდენტური თვითმმართველობის სახელით ურთიერთობს თდასუ-ს მმართველ ორგანოებთან;
 - ნიშნავს შემდეგი არჩევნების თარიღს თდასუ-ს ადმინისტრაციასთან შეთანხმებით;
 - განიხილავს და ამტკიცებს პრიორიტეტულ პროგრამებსა და პროექტებს;
- 4.3. სტუდენტური თვითმმართველობის პრეზიდენტის უფლებამოსილების ვადამდე შეწყვეტის საფუძველია:
 - პირადი განცხადება;
 - სტუდენტის სტატუსის შეჩერება ან შეწყვეტა;

- 4.4. თვითმმართველობის პრეზიდენტის უფლებამოსილების ვადამდე შეწყვეტის შემთხვევაში, სტუდენტურ თვითმმართველობას ვადამდელ არჩევნებამდე ხელმძღვანელობს ვიცე-პრეზიდენტი.

5. სტუდენტური თვითმმართველობის ვიცე პრეზიდენტები

5.1. პრეზიდენტს ჰყავს ვიცე-პრეზიდენტი, რომლებიც პრეზიდენტის წარდგინებით აირჩევიან საერთო კრების მიერ 2 წლის ვადით;

5.2. ვიცე პრეზიდენტები:

- წარმართავენ თავის საქმიანობას პრეზიდენტთან შეთანხმებით და ანგარიშვალდებული არის მის წინაშე;
- მონაწილეობს საკადრო პოლიტიკაში;
- აკონტროლებენ თვითმმართველობის საქმიანობას;
- მონაწილეობს პრიორიტეტულ პროგრამებისა და პროექტების დამტკიცებაში;

6. სტუდენტური თვითმმართველობის წევრი

6.1. სტუდენტური თვითმმართველობის წევრი:

- სტუდენტური თვითმმართველობის წევრად შეიძლება არჩეულ იქნას მხოლოდ სასწავლო უნივერსიტეტის სტუდენტები;
- სტუდენტური თვითმმართველობის წევრის უფლებამოსილება განისაზღვრება 2 წლის ვადით;

6.2 სტუდენტური თვითმმართველობის წევრის უფლებამოსილების ვადამდე შეწყვეტის საფუძველია:

- პირადი განცხადება;
- სტუდენტის სტატუსის შეჩერება ან შეწყვეტა;
- პრეზიდენტის ან ვიცეპრეზიდენტის გადანაცვეტილება, თუ იგი უხეშად არღვევს სასწავლო უნივერსიტეტის შინაგანაწესს, ეთიკის კოდექსს ან წინამდებარე დებულებას;
- სასამართლოს მიერ ქმედუუნაროდ, უგზოუკვლოდ დაკარგულად ან გარდაცვლილად გამოცხადება;

6.3. სტუდენტური თვითმმართველობის წევრი უფლებამოსილია:

- წამოაყენოს წინადადებები საერთო კრებაზე და მოითხოვოს მათზე რეაგირება;

- მიიღოს ინფორმაცია სტუდენტური თვითმმართველობის საქმიანობის შესახებ;
- მიიღოს მონაწილეობა სტუდენტური თვითმმართველობის მიერ მოწყობილ ღონისძიებებში, თავად შეიმუშაოს და განახორციელოს ისინი;
- მიიღოს მხარდაჭერა სტუდენტური თვითმმართველობისგან საკუთარი უფლებებისა და ინტერესების დასაცავად;

- იქონიოს სათათბირო ხმის უფლება;
- არჩეულ იქნას სტუდენტური თვითმმართველობის მართვის ორგანოებში;

6.4. სტუდენტური თვითმმართველობის წევრი ვალდებულია:

- დაიცვას ამ დებულების, სასწავლო უნივერსიტეტის შინაგანაწესის, ეთიკის კოდექსის მოთხოვნები;
- შეასრულოს სტუდენტური თვითმმართველობის საერთო კრების გადანყვეტილებები;
- დაიცვას სტუდენტური თვითმმართველობის სახელი, პრესტიჟი და ქონება;
- თავისი საქმიანობით არ დაუშვას სასწავლო უნივერსიტეტისა და სტუდენტური თვითმმართველობის დისკრედიტაცია;
- ხელი შეუწყოს სტუდენტსა და სასწავლო უნივერსიტეტის მართვის ორგანოებს შორის ჯანსაღი ურთიერთობების ჩამოყალიბებას.

7. სტუდენტური თვითმმართველობის ფინანსები

7.1. სტუდენტური თვითმმართველობის დაფინანსების წყაროებია:

- სასწავლო უნივერსიტეტის მიერ გამოყოფილი ფინანსები;
- ნებაყოფლობითი შემოწირულობები;

7.2. სტუდენტური თვითმმართველობის ფინანსურ მხარეს აკონტროლებს პრეზიდენტი ვიცეპრეზიდენტებთან ერთად;

8. დასკვნითი დებულებები

- 8.1. დებულებაში ცვლილებებისა და დამატებების შეტანა ხდება საერთო კრებაზე შემუშავებული ცვლილება-დამატებების პროექტის მიხედვით.